

Nuutsbreef, november 2021

Bèste Veldeke minse,

1. Gein activiteite mieë in dit jaor.

Kiekendj nao de actuele situatie en raekening haojendj mit de aafgekondigdje maotregale haet 't bestuur beslaote det de nog geplandje activiteite van dit jaor kómme te vervalle. Dit betruf mit name de Adventsmiddig op 12 december. Ouch dae kan helaas neet doorgaon. Weer vraoge begrip en haope dat 't volgendj jaor weer baeter zal gaon en det w'r ós den weer zólle kènne treffe. Tót den wènse w'r uch gezóndjheid. Veldeke blifjt väärzichtig, blifjt geer det ouch!

2. Memoryspel.

De door leje gereserveerdje memoryspele kènne aafgehaoldj waere bie de leje van 't dageliks bestuur: Kiektj estebleef achter op 'n Veldeke Bekèt vää de tillefoonnummers, zoadet g'r vääraaf aeve kènt belle.

3. "Gruuets" in 't Cultuurhoes.

't Museum van de Vrouw organiseertj same mit de anger "bewoners" van 't Cultuurhoes "Edith Stein" de tentoanstèlling ónger de titel "Gruuets". De officieel äöpening daovan op 27 november j.l. kós neet doorgaon, mer de expositie is waal klaor en kan vanaaf 1 december ouch bezóch waere. 't Is 'n sjoan verzörgdje prissentatie van vää zakes wo w'r es inwoners gruuets op (kènne) zeen. Veldeke duitj dao aan mit, mit dialecttekste, loesterverhaole enz.

De tentoanstèlling "Gruuets" zal 'n half jaor lank te bekieke zeen tiedes de gewuuen äöpeningstieje van 't museum in 't Cultuurhoes. Lètj effe op de äöpeningstieje van 't museum in verbandj mit de genómme maotregale corona.

Óngerstaondj tref g'r 'n gratis entreebewies aan vää de expositie Gruuets. Normaal is de entree 6 euro p.p., mer w'r vènje belangriek det g'r dao 'n bezoek brèngtj, vandaar dit aanbod. 't Strookje geltj vää eine persoan es toegangsbewies es g'r zelf eure naam en lidmaatsjapsnummer (achter op Veldeke Bekèt) höbt ingevöldj.

Aafgaeve bie de infobalie van 't museum. Kaertje is geljig tiedes de ganse louptied van de tentoanstèlling, t/m mieërt 2022. Dus waem noe neet gaer geitj, kan det ouch nog later doen.

Names 't bestuur de vruntjelike groete,

Ton van Wegberg



Gratis kaertje vää "GRUUETS"

Mit dit kaertje höbbe leje van Veldeke Krink Ech gratis toegang tót de tentoanstèlling "Gruuets" in 't Cultuurhoes Edith Stein aan de Plats in Ech.

Naam:..... Lidnummer:

Kaertje is geljig vanaaf 1 december 2021 en in 2022 zoa lang es de tentoanstèlling doertj.

Gaontj g'r mit neet leje, den mótte die waal entree betale. W'r haope det g'r d'r 'ne sjoane, gezellige möрге of middig van kèntj make!